

**Rakyat Perlu Pertahan Status BM - Muhyiddin**  
**MStar Online**  
**Jun 28, 2012**  
**Oleh AMIRUDDIN MOHSIN**

**KUALA LUMPUR:** Rakyat di negara ini bertanggungjawab untuk mempertahankan status Bahasa Malaysia , kata Timbalan Perdana Menteri Tan Sri Muhyiddin Yassin.

"Penggunaan bahasa Melayu sebagai bahasa pengantar utama dalam sistem pendidikan kebangsaan akan diteruskan di bawah dasar Martabatkan Bahasa Melayu dan Memperkukuhkan Bahasa Inggeris (MBMMBI)," katanya.

Beliau berkata, dasar tersebut akan meningkatkan penguasaan dalam kedua-dua bahasa.

"Budaya Malaysia yang moden mesti berdasarkan pendidikan dan pembangunan kesusasteraan kebangsaan dan bahasa," katanya selepas merasmikan Seminar Bahasa, Kususasteraan dan Kebudayaan Dalam Sistem Pendidikan Kebangsaan di Dewan Bahasa Pustaka (DBP), Khamis.

Menurut beliau, peradaban bangsa tidak diukur dengan kejayaan material semata-matatetapi karakter budi bahasa turut diambil kira.

"Penggunaan BM dalam sistem pendidikan akan membantu mengukuh perpaduan, identiti kebangsaan dan karakter. Kita mahu melihat sebuah negara maju yang menghargai BM sebagai jiwa bangsa," kata Muhyiddin yang juga Menteri Pelajaran.

Hakcipta Terpelihara © 1995-2012 Star Publications (Malaysia) Bhd

Source:

[http://mstar.com.my/berita/cerita.asp?file=/2012/6/28/mstar\\_berita/20120628190227&sec=mstar\\_berita](http://mstar.com.my/berita/cerita.asp?file=/2012/6/28/mstar_berita/20120628190227&sec=mstar_berita)